

Trabounan riba MFA Noord ta visibel

ORANJESTAD - Mien- tras cu e trabounan ta canando, director di Aco- modacionnan Multifunc- cional (MFA) Anky Vrolijk ta señalá cu pa banda di e preparacion di e per- sonal y serviccionan cu lo bin, tin mas resultadonan positivo. Henter e parti di construcccion di MFA ta programa pa keda cla fin di proximo siman arki- tecto Orlando Hoevertsz a indica

Personal di MFA y oficina di Gobierno auxilia a pasa den tayernan di capacitacion y motivacion, mientras cu mas servicio publico ta confirmando nan presen- cia den e edificio multifuncional aki.

Facilidad pa Aruba

“E ta un satisfaccion grandi, no solamente pa mi pero pa e arkitecto y pa tur partner envolvi”. Algo cu ta bay bira algo hopi positivo no solamente pa e comunidad di Noord, pero pa Aruba henter pasobra e ta nifica tambe cu nos ta bay optimalisa e ser- vicio cu ta bay tin aki den y tur hende lo beneficia di esey tambe, sra. Vrolijk a comen- ta.

Sra. Vrolijk ta forma parti di un comision cu ta sinta regu- larmente pa atende tur asun- to relaciona cu e proyecto. Di e manera aki Gabinete Mike Eman II ta fomenta un bon comunicacion y ta haba un control estricto di su ehecu- cion. Ta importante cu tur hende ta sinta na mesa hunto pa percura cu tur cos ta bay manera planea of cambia algo si esey ta necesario, se- gun sra. Vrolijk.

Capacidad pa miho servicio

Banda di esey, oficina di MFA ta den combersacion cu departamentonan manera Biblioteca Nacional Aruba, WEB, AZV y otro. Tin hopi punto pa pasa riba nan pa garantisca cu tur hende ta satisfecho cu e producto fi- nal, y cu ta completamente capacita pa brinda e miho servicio posibel na publico.

Sra. Vrolijk a sigui bisa cu detayenan manera espacio, material y decoracion ta wor- do trata pa asina cada depar- tamento ta facilmente visibel un bes paden y e usuario sa unda pa bay y kico pa haci.



Aunke no a defini un orario ainda, sigur por spera cu e MFA lo ta habri for di mainta trempan te anochi. Esaki ta conta mas tanto pa espacio di reunion.

“Director Vrolijk a indica cu local cu ta hopi importante pa hendenan sa ta, cu nos ta bay ta hopi innovativo no solamente cu orario y sistema di traha, pero tambe pa e parti “green” uzando panel solar; tur den un solo pakete pe ta mas eficiente posibel”.

Anochi informativo

Adicional, MFA a tene anochinan di informacion pa re- uni cu habitante y organisa- cionnan boluntario. Ta busca pa haya un grupo amplio cu ta inclui tur sector y discip- lina den comunidad.

A base di esaki ta forma un grupo di trabou di clientenan cu lo ta un directiva di hen- denan di e bario mes, segun sra. Vrolijk. E idea su tras ta pa nan mes bin cu idea di con por desaroya e funcion di MFA cu enfoka riba e parti

social. “Pa Noord nos tin un grupo hopi grandi interesa”, Vrolijk a duna di conoce. Mirando tur esaki, por bisa cu ehecuccion di e vision di Prome Minister Mike Eman pa barionan conta cu un pun- to di encuentro cu ta eleva e calidad di bida di e habitante, ta birando un realidad. MFA Noord ta e ehempel di con e otro cuater centronan lo fun- ciona rond di Aruba, cada un ahusta na nan necesidadnan specifico, segun sra. Vrolijk

Arkitektura di MFA

Sr. Hoevertsz a conta cu awo cu nan tin un siman caba in- stalando e structuranan di hero, e y su ekipo a cuminsa ricibi comentarionan posi- tivo di con grandi e edificio ta mustra.

Columnnan blauw cu ta bay halto ta hala atencion di tur cu ta pasa den cercania di crusada di Noord.

Esey ta e señal cla cu e con- strucccion di e MFA di e dis- tricto, e prome di cinco rond di Aruba, ta bayendo dilanti.

Combersando cu arkitecto di e proyecto sr. Hoevertsz el a splica, entre otro, cu ya caba tur e columnnan a keda instala firmemente na e fundeshi. Actualmente ta poniendo e diferente biganan horizontal cu ta forma e vloer di e di dos piso como tambe e dak di e edificio moderno.

“Esaki ta un fase hopi satis- factorio caminda tur hende por wak e edificio bay halto. Dos siman pasa nos a cumin- sa haya e heronan, tur esaki ta bay basta lihe paso ta traha cu e grua”. Sr. Hoevertsz a indi- ca. Tur e columna y biganan di hero a wordo fabrica na Hulanda na un exactitud cu mester djis bols nan na otro. Manera arkitecto Hoevertsz a bisa, “e ta un sorto di bouw- pakket”.

Canando na tempo

Despues ta sigui cu e plachi- nan di e vloer cu yama ‘super floor’ y ta un metal cu lo pone pa e prome piso. Djey ta pone e hero pa e beton, pasa tur tu- beria y asina pa cuminsam- ento di september lo basha e

vloer ariba. Despues cu vloer y daknan ta cla lo cuminsa cu e trabou di detaye, interior y mudamento. E edificio ta canando segun schedule cu ta bisa cu lo ta cla den prome trimester di 2015.

Hopi planificacion

Pero pa e parti aki por cana suavemente y manera mes- ter ta, tabatin hopi trabou di planificacion y comunica- cion entre tur e socionan di e proyecto.

“E proceso mester bay hopi exacto”, arkitecto Hoevertsz a bisa. Pa e motibo aki nan a traha un mapa cu despues a wordo manda pa expertonan di hero na Hulanda.

A base di e mapa aki nan a traha nan propio plan y pin- turanan cu a wordo coordina hunto cu e compania Boha- ma, cu ta e contratista aki na Aruba, sr. Hoevertsz a indica. E ultimo ta necesario pasobra den e fundeshi tin tur e han- cramento caminda e colum- nanan ta bay.

“Awo cu e hero ta akinan, e ta fit precies cu tur e balkinan memey di e columnnan”, segun sr. Hoevertsz y e ta un proceso di basta luna caba cu ta andando.

Tur cos ta fit hopi bon, ta djis un cuestion di bols nan na otro e ta, segun sr. Hoevertsz a splica. Di e manera aki e ta wak su vision y diseño bira un realidad.

E columnnan blauw lo ta visibel tanto di pafó como di paden. Adicional ta facilita e trabou di e contratista. “Hopi lihe bo ta yega na e prome piso y na e dak”. E ta un pro- ceso cu ta bay basta lihe cu por cuminsa cu e detayenan final basta lihe, sr. Hoevertsz a conclui. □